



Publicaziuns dalla vischnaunca, jamna 44

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2019-2088.000

Luzia ed Ervin Maissen-Rogger, Via Latis 6, 7180 Disentis/Mustér: sanaziun interna dalla habitaziun e remplazzament dalla colligiazion digl aquaduct, edifeci nr. 219, parcella 576, Via Latis 6, 7180 Disentis/Mustér.

Nr. 2019-2089.000

StWE parz. 1660, Scola da skis Mustér, Via Sax 1, 7180 Disentis/Mustér: remplazzament dallas storas existentas ella part dalla scola da skis, edifeci nr. 800, parcella 1660, Via Sax 1, 7180 Disentis/Mustér.

Nr. 2019-2090.000

Irene Keller e Robert Büchel, Eichenweg 71, 8408 Winterthur: sanaziun dallas finiastras, dil bogn e remplazzament dalla platta da fiug, edifeci nr. 500, parcella 3411, Caprau, 7182 Cavardiras.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, igl 1. da november 2019

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **gievgia, ils 14 da november 2019**, allas 20.15 el Center sursilvan d'agricultura a Salaplauna.

Tractandas:

1. Protocol 22-2017/2020
 2. Cunvegna da prestaziun gimnasi claustral Mustér 2020–2022 (messadi nr. 38-2017/2020)
 3. Preventiv 2020 (messadi nr. 39-2017/2020)
- Il president dil cussegl da vischnaunca*

Proceduras da baghegiar

Obligaziun d'annunzia

En tgei cass ei ina procedura da baghegiar d'annunziar:

Damonda da baghegiar:

- La construcziun da novs edifecis e stabiliments
- L'engrondaziun d'edifecis e stabiliments existents
- Midadas egl intern digl edifeci e stabiliment cun consequenza sin igl uorden da gudiment (p.ex. la classificaziun tenor il consum d'aua, il diember da parcadis ni il diever da habitaziuns (primaras e secundaras).
- La sanaziun da tetgs
- Stabiliments e menaschis da plazzas da campar, cavas da crappa e gera
- Midadas da terren ordeifer la zona da baghegiar
- Tuts projects che pretendan ina lubientscha digl uffeci davart il svilup dil territori dil cantun Grischun
- Stabiliments d'avertura



Documentaziun per la damonda da baghegiar:

- Plan da situaziun 1:500
- Plans da scadina alzada en proporziun cun indicar la grossezia dallas preits (mirs), igl intent dallas stanzas, las mesiras da finiastras, escha e scalas. Il material e la mesira dils indrezs da scaldament
- Plan el tagl vertical
- Plan da fatschada en proporziun
- Plans da project per lavurs vid il contuorn cun las modificaziuns da terren, mirs da sustegn, seivs etc.
- Cuorta descripziun da construcziun cun indicar igl intent, l'execuziun ed il parcadi
- Calculaziun detagliada dalla cefra d'utilisaziun e dils parcadis
- Indicaziun approximativa dils cuosts da baghegiar
- Documents per cundrezs suttemess alla polizia da fiug
- Documents per la protecziun civila
- Mussament d'energia (era mo per parts da baghetgs)
- Decisiun preliminara dall'assicuranza da baghetgs per edifecis en zona da prighel
- Declaronza davart la reutilisaziun dils rufids da baghetgs
- Mussaments d'immissiun per stabiliments enteifer il cataster d'immissiuns ni cun atgna produciun da canera
- Mussaments per lubientschas da scavament e sondaziuns per aua sutterrana e pumpas da calira
- Eventualas cunvegnientschas cun convischins ed impurtaziuns el cudisch funsil
- Declaronza davart igl intent da habitar (habitaziuns secundaras)

Annunzia da baghegiar:

- Tuttas lavurs ni midadas d'intent pintgas ein d'annunziar cun ils plans, skizzas ni fotografias corrispudentas.

Quella gliesta ei exemplara. Tenor project basegna ei mo ina part dils documents numnai. Tier edifecis e stabiliments ordeifer la zona da baghegiar, sper vias cantunalas, menaschis da lavur e mistregn (incl. ustrias) sco era per baghetgs enteifer la zona forestala basegna ei lubientschas supplementaras. En cass da damondas dat igl uffeci da baghegiar (tel. 081 920 36 46 ni e-mail: baghegiar@disentis.ch) bugen sclariment.

Nus supplichein Vus da prender enconuschientscha da quellas reglas ed engraziein per Vossa collaboraziun.

Suprastonza communal Disentis/Mustér

Obligaziun d'annunzia

Tenor art. 64, al. 2 dalla lescha da baghegiar ein projects da baghegiar sebasond sin art. 40, al. 1 dall'ordinaziun davart la planisaziun dil territori pil cantun Grischun (OPT) suttemess all'obligaziun d'annunzia. Buca suttemess all'obligaziun d'annunzia ein classenas moviblas duront il temps da pasculaziun (art. 40, al. 1, lit. 19 OPT) ed installaziuns da plazzals, aschinavon ch'ellas caschunan buca considerablas immissiuns. Excepiu ein dormitoris per il persunal (art. 40, al. 1, lit. 22 OPT) ch'ei suttemess alla procedura da baghegiar. Sanaziuns da baghetgs, che han per consequenza che la valeta dil baghetg s'augmenta, ein en mintga cass suttemessas all'obligaziun d'annunzia.

Suenter che las lavurs da sanaziun ein terminadas, ei ladinamein da far ina corrispudenta annunzia agl uffeci per la valetaziun d'immobillas dil cantun Grischun, Glion. Cheutras vegn evitau che baghetgs restan sutvaletai. En cass da donns sa quei haver consequenzas gravontas.

All'annunzia resp. alla damonda da baghegiar eis ei d'aschuntar ils documents e plans necessaris.

Annunzias ni damondas da baghegiar buca cumpletas vegnan returnadas als petents.

Ils formulars per las differentas damondas da baghegiar stattan a disposiziun sin la pagina d'internet dalla vischnaunca www.disentis.ch / Spurtegl virtual / Uffeci da baghegiar – ni ch'els san vegnir retratgs al spurtegl dall'administraziun communal.

Suprastonza communal Disentis/Mustér



Invitaziun alla surdada dil Premi Desertina

Venderdis, ils 8 da november 2019, allas 20.00 en halla Cons

La cumissiuon Premi Desertina envida in e scadin da prender part alla festividat dalla surdada dil Premi Desertina 2019.

- Il premi da reconuschientscha retscheiva pader dr. Urban Affentranger per sia premurada lavur en favur dil Forum claustral.
- Per il premi da promoziun ha la cumissiuon numnau las duas musicas da tscheiver, numnadamein Las Bagordas da Disentis/Mustér e Las Fifferlottas da Segnas.

La festividat vegn embellida cun tuns cantics e sonors dil Chor baselgia Sogn Gions sut la bitgetta dad Aluis Hosang. Medemamein vegnan las duas musicas da tscheiver a dar entgins tuns tscheivrils. Suenter igl act festiv official essas Vus, preziadas convischinas e preziai convischins, cordialmein envidai ad in pign refrestg. *Per la cumissiuon «Premi Desertina», geraua Jris Lombris*

Fiera Sogn Martin

Gliendisdis, ils 11 da november 2019 ha liug sco mintg'onn l'usitada fiera da Sogn Martin. Ils stans vegnan endrizzai sin la Via Lucmagn. Las preparativas entras la vischnaunca entscheivan quei di allas 5.00 e la fiera ha liug naven dallas 8.00 entochen allas 18.00. Silsuenter setracta ei da far uorden, quei che cuoza entochen ca. allas 19.00. Per evitar incaps, supplichein nus las fatschentas el contuorn dils stans da fiera da sche pusseivel buca schar vegnir quei di autos cun pli grondas furniziuns.

Nus engraziein grondamein per la capientscha.

Uffeci da baghegiar

Via d'uaul Runfoppa

Muort lavurs da transport da lenna cun suga e camiun a Runfoppa Sut, vegn la via d'uaul naven da Faltscharidas entochen e culla sbuccada viers l'antenna dalla Swisscom a Runfoppa Sut serrada per tut traffic sco era per pedunzs. Las lavurs cuozan bien duas jamnas. Pil traffic plaun exista la pusseivladad digl access sur la via veglia. Nus supplichein da prender enconuschientscha da quests avis e da risguardar las signalisaziuns. Bien engraziament per la capientscha

Disentis/Mustér, ils 30 d'october 2019

Uffeci forestal Disentis/Mustér

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn! *Vos Pumpiers Sursassiala*



Klosterkirche St. Martin

Damit sie im alten Glanz erstrahlt

Um das einmalige Kulturgut der Klosterkirche St. Martin in seiner Pracht zu erhalten, musste diese einer umfangreichen Restaurierung unterzogen werden. Nach einer Bauzeit von rund vier Jahren erstrahlt die Klosterkirche aussen und innen wieder in voller Pracht. Gerne laden wir Sie ein, mit uns gemeinsam bei einem Gottesdienst die Einweihung zu feiern.

Montag, 11.11.2019, 10 Uhr

Hochfest des hl. Martin von Tours

Abschluss der Restaurierung mit feierlichem Hochamt und Altarweihe

Musik von Wolfgang A. Mozart

Chor Gymnasium Kloster Disentis; Orchester Desertina; Letizia Scherrer, Sopran; Claudia Iten, Alt; Martin Mairinger, Tenor; Martin Snell, Bass; Br. Stefan Keusch & Martin Völlinger, Orgel; Peter Werlen, Leitung

Radunonza staziun d'anugls

Venderdis, ils 8-11-2019 alla 20.00 a Disla, ustria «Fravia». *La suprastonza*

Mats ei turnaus da sias vacanzas!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? **Mintga secund venderdis** dil meins allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin teil! Cun ils pli cars salids *Mats, la miur ed il team dalla Biblioteca popolare Disentis/Mustér e contuorn*

Termins:

8 da november, 13 da december 2019, 10 da schaner, 14 da fevrer, 13 da mars, 17 d'avrel, 8 da matg 2020

Acziun pacs da Nadal

Era uonn rimnein pacs da Nadal per persunas basegnusas dall'Europa digl ost. Cun quell'acziun savein nus purtar in grond sustegn e ventira el trest mintgadi.

Dar giu tochen **ils 11-11-2019** el «Café Goldmann», Mustér.

Dapli infos el Café ni sut www.weihnachtspäckli.ch

Aktion Weihnachtspäckli

Auch dieses Jahr sammeln wir wieder Weihnachtspäckli für bedürftige Menschen in Osteuropa. Mit dieser Aktion bringen wir eine grosse Unterstützung und Glück in den grauen Alltag. Abzugeben im

«Café Goldmann», **Disentis (11.11.2019)**

Flyer mit mehr Informationen im Café oder unter www.weihnachtspäckli.ch



«Café rumantsch» a Mustér

Nus s'entupein **venderdis, ils 8 da november**, allas 20.00 ella cafetaria dil Center da sport e cultura a Mustér. Quella ga raccoltein nus por, péra e plaids. Il «Café rumantsch» ei ina sentupada per tuts che vulan discuorer romontsch. Einheimische, Zweitheimische, Zugezogene und Gäste treffen sich regelmässig zum rätoromanischen Austausch. La sentupada ha liug regularmein, jeden zweiten Freitag im Monat.

Nus selegrein sin stedia participaziun.

Lia Rumantscha e Gion Hosang, menader

Uniun da dunnas Disentis/Mustér

Tri tra trallala, il casparet vegn puspei

Bugen envidein nus tut ils affons en accumpignament dad ina persuna carschida ad in teater da casparet. Il toc senumna «Attenziun, il crocodil ei scappaus» e ha liug **mesjamna, ils 13 da november 2019** allas 14.30 el Center d'agricultura Surselva a Salaplauna. Silsunter dat ei ina pintga sorpresa pils affons e stiva da caffè. Nus selegrein sin vossa viseta!

Cordialmein envida *l'Uniun da dunnas Disentis/Mustér, ressort affons*